

山東通志

(五)



山東通志卷七十四

職官志第四

國朝官蹟

總督

張存仁字完貞漢軍鑲藍旗人順治七年由浙閩總督調任直隸河南山東三省總督勦除榆園巨寇招撫流民興廢釐弊三省之民至今頌之晉一等子諡忠勤

濟南志

李蔭祖字繩武漢軍正黃旗廕生順治十一年授三省總督疏請豁免被災州縣秋糧又以流民遺歸原籍恐道殣者多請隨地安集卽時散賑并請免逃人連坐之令

志輔

營會勘至山東時值禁旅養馬省會州邑解芻豆至者收役留難不給通關一日微服立營伍中好語勸之橫詆不顧無何標下牢役至遂置之法三軍肅然他若濟南西郭高大膽之妻子五口被殺節婦趙氏主僕被殺皆數年不決之獄一訊而服官至湖廣總督祀名宦

同

祖澤溥遼東人順治十八年由山西總督調山東總督值土寇于七倡亂據登州棲置之鋸齒牙山官軍莫敢入澤溥下車卽躬擐甲胄爲士卒先一日之內克其三寨賊衆悉降乃相度機宜分兵戍守登萊以甯祀名宦

志一統

田文鏡漢軍正黃旗人由刑部郎中改御史康熙五十五年巡視長蘆鹽政疏言山東商人願先輸課增復原引

旨下九卿議奏如所請行雍正五年授河南山東總督轄兩省疏言交界地方易藏匪類請嗣後如隔屬密拏賊盜有縱奪徇庇者

許拏盜之地方官詳本省督撫移咨會參又言東省錢糧舊欠二百餘萬之多雍正六年錢糧將屆全完之期完不及五分由於火耗太重私派太多今欲禁派耗必先禁陋規請清查禁革七年遵旨議奏山東青州爲適中要地設立滿洲駐防兵以資彈壓而重保障府北城外有東陽古城可駐兵皆如所請行十年卒諡端肅祀名宦

濟南志

王士俊貴州平越人康熙六十年進士改庶吉士雍正十年由湖北巡撫授河南山東總督疏言東省舊設衛所屯地分布各州縣相距既遠催徵輸納均有未便請將萊州府屬之臨山靈山二衛守備浮山雄崖二所千總裁汰改設巡檢把總等官屯地錢糧歸併附近平度膠州卽墨高密四州縣徵收各屯戶與民一體排甲編審人皆稱便

同上

楊錫紱號蘭畹江西清江人雍正五年進士由吏部主事累遷禮部尙書乾隆二十一年出爲山東巡撫時二十一州縣被水奏請蠲貸有差難常平米減價三分之一以魚臺土城低窪請移置高處次年授漕運總督既視事諮訪利病興革與衆同欲慮運河阻滯與河臣謀疏浚以時蓄洩俾通達無壅在任十二年漕泊甯靜著有漕運全書行世諡勤懇

正事國朝先

朱桂植號樸菴江蘇上元人嘉慶四年進士由吏部主事累遷甘肅布政使調山東道光九年授漕運總督漕運爲倉儲首務歷二百載吏丁窟宅其中爲奸利因自收徵兌運開墾倉胥諸寶皆潛察而嚴拏之故廉入而用裕轉運以時無舐滯官至兩廣總督諡

莊恪上同

河督

楊方興字淳然遼東廣甯人天命六年舉人授理事官王師定鼎燕都時山左草竊繼起以方興爲兵部侍郎建節南行尋會兵取趙應元於青州山嶠荏澤之寇如榆園梁山諸砦次第削平飭厲守令招撫流移勸課農桑殘黎因之更生嗣是而河防之議興焉初明制河督以運河爲專司雖兼轄黃河其修決防汛則沿河州縣任也一應補救小則道府相度大則撫按具題遣部院大臣會同經理河督會疏畫題而已至是始統於一時河屢決屢塞順治七年荊隆之役合三省夫十餘萬凡四五年費金錢數百萬計事竣而異議興遂致仕歸卒祀名宦濟南志

朱之錫號梅麓浙江義烏人順治三年進士改庶常授編修遷學士十四年出爲河道總督承楊方興之後凡修守運河隄岸夫役工程錢糧一一條奏報可十八年再任先後在任十年功著揚豫爲多疏言南旺爲運河之脊北至臨清南至臺莊全賴四十餘閘啟閉節宣以資輓運若差船兵船不時駛至應閉者強之使開應開者強之使閉則重運易阻乞

天語申飭俾各遵例禁先是壬寅秋歲大澍山左中州道瑾相望設法倡賑全活甚衆康熙五年以勞卒乾隆四十五年

高宗巡視河工允大學士阿桂請

敕封河神屢加

封號

國朝先正事略

靳輔字紫垣漢軍鑲黃旗人國史院編修內閣學士康熙十年巡撫安徽十六年總督河道時路馬湖水勢橫決風濤之險運艘商船皆罹其患乃請開新河以避其險河成而忌者中傷之遂解任其後新河之效頗著

詔復任未期歲卒諡文襄祀名宦濟南志著有治河方略一書奏疏若干卷嘗論古今治河成敗之效謂經生論河莫不侈言讓三策其實不然讓上策欲徙冀州之民自宋時河徙已非漢之故道中策多張水門旱則開東方下水門以溉冀州水則開西方高門以分河流不知黃河所經卑即淤高數年之後水從何放且禹貢言九澤既陂陂卽今之隄也蓋水勢甚平而地勢有高下使非約束之以隄水由卑地能無漫潰乎讓以繕完故隄增卑培薄爲下策是故與禹貢相反矣故治河專主築隄束水續用告成其詳具載於書實千古河防龜鑑也正國略先

于成龍漢軍鑲黃旗人康熙七年由廕生授樂亭縣累擢至巡撫三十一年授河道總督疏言靳輔令河員購柳束工部駁減銀一萬八千兩今覆核無虛冒又向來募夫遠方給安家路費工完扣抵今隄工中止無從追繳並與豁免又運河自通州天津至山東嶧縣卑薄各隄宜加築高厚皆報

聞三十九年卒諡襄勤

濟南志

張鵬翮字運青四川遂甯人康熙庚戌進士由翰林出守蘇州調兗州三十九年任河道總督節浮費汰冗員恤工役經理河務者十年官民皆沐其惠既內遷會汶水旱涸運道梗塞奉

命勘視請疏坎河鵝爪諸泉分注南旺濟運而於彭口築隄障沙
水入微山湖又言山東運道有沙河馬場等湖及諸山泉本可濟
運祇因湖隄殘缺民間竊種湖地致諸泉壅塞爲漕艘患今已築
隄蓄水運道自可通利

優旨允行官至大學士諡文端

正事略 國朝先

陳鵬年字滄洲湖南湘潭人康熙三十年進士歷官守令以清慎
著六十年任河道總督時武陟口屢決屢塞汎濫山東張秋直隸
長垣等處鵬年請於上流對岸廣武山下及王家溝官莊峪開引
河皆如所請由是晝夜河干寢食俱廢乃禱於神誓以身殉河忽
因凍而決口自合因兼工築岸比工竣竟不起諡恪勤

濟南志

齊蘇勒滿洲正白旗人姓納喇氏由內務府主事累擢山東按察
使雍正元年署河道總督尋實授奉

旨豫籌山東諸湖蓄洩事宜以利漕運疏言汶上縣之南旺馬踏
蜀山等湖東平州之安山湖濟甯州之馬場湖魚臺縣之昭陽獨
山等湖滕嶧二縣之微山鄒山等湖皆運道所資以蓄洩昔人名
曰水櫃因土人乘洞佔種漸致狹小宜乘湖水稍落時除壅熟田
畝外丈量立界嚴禁侵佔設法蓄水如遇運河水漲引注湖中稍
平即築埝截堵遇運河水淺則引之從高下注其諸湖或應築隄
栽樹或應建閘啟閉各州縣循例辦理則湖水深廣運道流通
漕艘無阻滯之虞矣

濟南志

又言治河物料葦柳爲先柳多則工堅
帑省柳少則葦多而工不固現飭道廳及營弁各於空間地段栽
種柳秧據報成活八十九萬二千餘株又山東河南蓄水沮洳之

地皆可種葦令廳員買葦根試種近據報微山湖種葦八頃餘已
有成效應請嗣後凡種柳八千種葦二頃者各予紀錄二次得

旨允行卒諡勤恪建祠令有司春秋致祭

正事略 國朝先

裕曾篤號禮齋江蘇常州人康熙四十五年進士由編修累擢兵
部侍郎署河南巡撫雍正元年河決中牟

詔往督築疏言兩岸隄工在在危險北隄起榮澤縣訖山東曹縣
界南隄亦起榮澤縣訖江南碭山縣界臣同總河齊蘇勒勘明最
險應修處共長十二萬三千七百九十六丈請動帑興工部議從
之七年授東河總督疏言運河五廳額設淺溜橋閘等長夫冬春
小挑大挑不敷力作請增募夫役舊額夫工多寡不同請酌定歲
給工食并量給器具各銀確數按工計夫按夫給價庶無浮冒均
下部議行官至大學士諡文敏

諭照靳輔齊蘇勒之例一體祠祀

濟南志

完顏偉字清逸滿洲鑲黃旗人乾隆八年以兵部侍郎總督河東
河道宅心仁厚爲政和平究心河洛之學凡閱工檢料悉以數默
記之無或遺十三年調副都御史未之任以勤瘁卒於工所

濟南志

張師載字又渠號愚齋河南儀封人禮部尙書諡清恪伯行子康
熙丁酉舉人由戶部郎累遷倉場侍郎乾隆十六年授江安巡撫
遷漕督二十二年調東河總督時山東孫工決口冒風雪駐河岸
自冬歷春築始完嘗言東河土性水勢與江南異兩岸相距寬宜
多挑引河以殺險土多浮沙宜厚培客土以實虛治河者服其言
卒諡愷敬

正事略 國朝先

李宏字用茲號湛亭漢軍正藍旗人乾隆元年授揚河同知累遷

淮徐道二十九年擢東河總督疏言微山湖爲山東江南二省濟運之要區蓄水最宜充盈又泗河源出泗水縣陪尾山諸泉彙合秋冬之際與其收入獨山僅濟南陽以南之運不若收入馬場湖俾濟甯上下河道並資其益疏上報可旋調南河總督

濟甯志

緒瑣字黼廷大學士曾筠子雍正七年進士由編修累擢禮部尚

書乾隆三十一年授河東總督洩任後裁堵夫裁堤柳除墊崖貼

坡諸弊皆勘驗曹縣三堡河溜漸偏議下埽而未定何所夜夢金

甲神指溜處曰吾張桓侯也速下埽吾與趙順平助汝驚起周視

形勢如所指下之竟得安濶乃奏建桓侯及順平侯廟於隄岸列

祀典蓋

聖朝百靈效順亦河臣精誠之所感格也官至大學士諡文恭

朝先正
事略

吳嗣爵字樹屏浙江錢塘人雍正八年進士吏部主事乾隆三十

三年權東河總督疏言洳河廳屬丁廟六里等間運河廳屬南旺

壩分水口對岸口捕河廳屬荆門崗戴村壩及臨清以北之民埝

南旺以南之官隄請分別修治

上嘉之官至吏部侍郎

濟甯志

姚立德字次功浙江仁和縣人乾隆元年由廩生主事遷山東泰

安府調濟南三十年任運河道三十六年擢山東按察使署布政

使旋署東河總督三十九年二月實授還

旨會勘江南潘家屯舊河挑引渠築鉗口石壩值陽穀逆匪王倫

之亂

命守東昌遂引運河水灌城濠並檄陽穀令毀賊祖墳而賊大困

因會大學士舒赫德督勦旅合勦無一脫者

濟甯志

蘭第錫山西吉州人乾隆庚午舉人由直隸知縣擢正定府授永

定河道四十八年署東河總督查出柳園葦塘隙地可耕一百餘

頃六堡以東至河尾舊有官田二十三頃曹縣舊河無糧灘地二

十餘頃請分別招佃徵租得

旨此有益於民之事妥爲之五十二年奏挑南陽昭陽微山等湖

渠旋實授河督是年十月

命同山東巡撫長麟會勘東省運河歲修工程覆奏得

旨依議行嘉慶二年卒於官

獻類微著

陳鳳翔字竹香江西崇仁人嘉慶十四年由永定河道擢東河總

督會歲早微山湖水止六尺有奇濟甯回空糧艘未出境者凡數

十幫因援前任姚河督開挖江境潘家屯之例請啟放江南銅沛

廳屬蘇家山開引黃下注由蘭家山遞達微湖以濟來年重運

諭如所請行越歲調南河總督

濟甯志

吳邦慶字壽峯直隸霸州人嘉慶丙辰進士道光十二年由江西

巡撫調東河總督見濟甯學宮殿構推頹門廡傾圮謀於州牧捐

俸爲倡逾年落成值禮闈試館選者三人州人士立石記之祀州

學報功祠

同上

栗毓美字樸園山西渾源州人嘉慶六年以拔貢生官河南知縣

累擢布政使道光十五年授東河總督嘗乘小舟周歷南北岸知

拋甄作塼之可用疏請減買稽石銀備甄價計千甄爲一方價六兩嗣後每有工役碎石及稽埽用大減數年間節官銀百三十餘萬而工益堅故在任五年河不爲患間值風雨危險必躬親之居平河曲折高下向背皆在其隱度輒曰水將抵某所亟備之或以爲迂且勞費日能知費之爲省乃真能省費者也已而水至乃歎服以爲名言

正事國朝先

嘗倡修濟甯文廟鄒縣孟廟東平冉子祠

並籌捐濟甯漁山書院經費銀四千金又捐設武營兵丁子弟義學八處蓋愛士卹民之心未嘗一日忘也卒諡恭勤

志濟甯

巡撫

陳錦字天章奉天錦州人順治元年任登萊巡撫削平寇氛安輯

士庶三齊賴之

登州志

方大猷號歐餘浙江烏程人順治元年五月授監軍道隨侍邸王

允永招撫山東七月擢山東巡撫疏請崇祀孔子定闕里儀制

旨先師爲萬世道統之宗禮當崇祀昭朝廷重道尊師至意下部

詳議舉行復請以無業荒地分給流民及守兵屯種三年後起科

開長清等處礦廠鑄錢充餉行保甲以弭盜減鹽課以卹商皆議

行又疏薦明庶吉士張瑞主事李森先等得

旨錄用時克沂問上寇甚多遣兵剿撫屢奏績焉

濟南志

丁文盛遼東廣甯人隸鑲黃旗漢軍順治元年授山東登萊兵備

道二年擢巡撫是時濰縣土寇張廣糾衆犯萊州檄游擊馮武卿

等分剿廣中斃死餘黨悉平疏言明季馬政廢弛間閭致滋擾累

自今各驛馬宜以餘存驛站額銀隨時買補又言東省當兵燹之

後明季所增牙雜二稅請盡行除免臨清東昌平山諸衛設兵五千有餘慮額過半請裁留二千以節軍餉令州縣各募壯丁暇則聽其自謀生理遇盜賊竊發協力捍禦又請清理庶獄嚴禁獄卒非法陵虐皆下部議行

上同

蔣國柱字君砥漢軍鑲白旗人由官學生累擢江南巡撫順治十八年任山東巡撫康熙元年疏言登文兩營歲需兵餉十五萬兩有奇坐派登州府屬就近支領自遭于七變亂以來征輸難繼請動藩庫銀五萬兩解運支應候催徵補還又疏報樂安壽光等州縣墮地一千四百一十頃有奇自前明迄今有編入民糧者有報作迷失者應撤出歸甯其民地缺額糧銀請於荒蕪民地勸諭開墾補足完課從之官至工部尙書

上同

周有德字彝初漢軍鑲紅旗人由宏文院編修累遷學士康熙二年授山東巡撫會大饑請蠲通省租賦復請以工代賑於是流民復業又疏言歷城縣有明季廢藩地畝應如民田科賦不宜仍明時租額徵收又請復孤貧口糧舊額並寬沿海居民海禁聽其捕魚資生又言德州駐防兵丁應如陝西浙江例准支月糧仍給民地五百餘頃仍還之民又言各省州縣官有因錢糧未完被劾者若於離任之先如數輸納請仍留舊任又以兗州濟南東昌青州四府旱災請加賑卹登萊二府歲亦歉收請免本年額賦疏皆下部議行官至雲貴總督

上同

劉芳燭字增美順天宛平人順治進士康熙七年由內秘書院學士擢山東巡撫疏報開墾荒地萬二千二百六十畝有奇旋因地

震請格外蠲卹又言山東萊山縣互瀕海鹽河易藏匪類向賴守巡各道彈壓請仍設東兌巡道登萊守道增設濟東守道青州巡道以資控制又言地方緝盜豫勒名數百弊叢生蓋事主被盜倉皇實難得其數少報則漏網多報必誣攀嗣後報盜如盜數不止將失事情形題報不得豫勒具數以致捏陷又言獲盜初供不必先敘俟全獲確訊真偽列入奏疏方成信讞又言東省素不產銅惟收買舊錢供鑄今舊錢盡而銅缺仍按卯鼓鑄不惟銅價騰貴且恐鑄多錢壅請撤局停鑄皆如所請行上同

袁懋功字九敘順天香河人順治二年進士累遷刑部侍郎康熙九年授山東巡撫十年以濟南諸府屬五十六州縣衛新墾地畝被水請展限一年起科格於部議

特旨如所請行調浙撫未行仍留原任卒諡清獻上同

張鳳儀字來之宣化深井人進士康熙十年由內閣學士巡撫山東侃直無私勵官方核兵餉懲刁棍禁強暴卹災捍患下無不達之隱嘗募無錫高忠憲同善會本朱子義倉之意而推行之又以舊通志未經續修集文士修輯將成事以憂去上同

趙祥星號松石漢軍正白旗人順治五年由貢生官山西趙城縣行取御史累遷大理卿十二年授山東巡撫時軍興需費請以暫裁通省存留支給銀二十餘萬兩充餉又請清理山東隱漏地畝四萬一千餘頃擢兵部尚書仍留巡撫任十八年疏言去歲兩澤愆期秋成歉薄除現在賑濟外請將常平倉穀贖錢動支接賑得旨允行上同

施維翰號硯山江蘇華亭人順治九年進士授江西臨江府推官累擢副都御史十八年授山東巡撫甫至官屬歲祿流民日益衆令各府州縣多方勸諭煮粥給食請截留漕米五萬石同濟南倉存儲米石動支散給又因青萊距臨清倉遠請永行改折以息轉輸又因米豆翔貴請一應兵馬支應照價估辦以甦賠累遷浙督調閩督卒諡清惠國朝先正事略

徐旭齡號敬菴浙江錢塘人順治十二年進士刑部主事累擢左僉都御史二十二年任山東巡撫甫下車劾貪墨數十而吏治肅清禁漕糧兌收之弊革河夫發派之擾豪猾望風歛跡一統志

御書清漪二字賜之越歲歉收米貴窮民待哺孔殷請借給倉穀免其起息還倉官至漕督證清獻濟南志

張鵬號南濱江南丹徒人順治十八年進士授中書康熙十一年充山東鄉試副考官累遷左副都御史二十三年授山東巡撫疏言濟東萊青兗五府俱有緇微解運臨倉米麥距倉既遠腳價累民請改解折色又請將曲阜顏氏地畝照孔氏例輕徵均下部議行小清河故道久淤新城高苑兩縣民操械相爭因躬歷下邑詢河要害浚河故道通錫秋湖而清沙泊不受水患官至吏部左侍郎上同

耶永清字定菴奉天廣甯人廕生初任東昌道遷按察使值于七變亂之後逆案牽連至七百餘起殫心訊鞠釋谿者多歷湖南河南布政使康熙二十五年巡撫山東在東凡四十年政績爲最著

云祀名宦上同

錢鈺浙江長興人由舉人官陝西涇陽令行取御史累遷順天府尹康熙二十六年授山東巡撫疏言德州常豐二倉向有州縣額解之米以備駐德州兵及各營月米過往官兵口糧但各屬解倉各營赴領道遠費煩應改於就近州縣兌支有不敷者估價折給至臨清營歲支米石無就近兌支之州縣應照時價題明折給自行採買其德州額米仍照徵以備過往官兵支用則民省轉輸之勞兵無賦載之苦且節藩草脚價等費請自本年為始定為例部議從之又言曲阜元聖周公廟祭祀禮樂與廟戶佃戶請如顏子例酌給下九卿議尋議周公廟應設贊禮生二十名廟戶佃戶各十人

上同

佛倫滿洲正白旗人姓舒穆祿氏由筆帖式兵部主事累遷工部尚書康熙二十八年授山東巡撫疏言東省賦役不均凡紳衿貢監戶下悉免雜差遂有奸民詭寄田畝規避徭役請嗣後紳戶田畝令與民戶一例應役以釐積弊又言東省本年豐收紳民願每石捐輸二合以為積儲合計得穀二十五萬餘石用備荒歉疏並下部議行

御賜水鏡堂額以褒之擢川陝總督官至大學士後人立祠於大明湖上與明之鐵公並稱焉祀名宦

上同

王國昌漢軍正白旗人由筆帖式累遷兵部督捕侍郎康熙三十七年任山東巡撫疏陳東省便民事宜一倉穀循例存七糶三於青黃不接時減價平糶秋收糶穀還倉一德州倉米支放各營兵糧向係四季徵收春夏農忙時輸將難於猝辦應動支司庫銀買

米支放其額徵米石俟秋收徵一額徵班匠銀四千兩均入地丁項下徵解一魯藩舊基地聽民種粟輸租即於開墾之年升科給帖俾為恒業下部議行四十一年夏萊蕪新泰東平沂州蒙陰沂水六州縣被水請開倉賑濟並捐俸三千兩有奇補賑四十二年秋新泰等州縣復被水災請將倉穀百二十餘萬石並應運漕米十餘萬石平糶旋以擅發倉穀解任五十二年

萬壽聖恩給還原職

上同

李鈞字長源漢軍正黃旗人三省總督蔭祖子由佐領授兵部員外郎累擢兵部侍郎康熙三十七年授山東巡撫以疾辭旋授安徽巡撫四十二年山東泰安等處饑有

旨虞倉粟不繼許官民願助賑者酌予議敘因請捐資助賑力疾來東擇被災最重之新泰縣自冬徂夏計口授食尋病篤命其子純德踵而行之全活災民甚重未幾卒於賑所祀名宦

上同

蔣陳錫江蘇常熟人康熙二十四年進士陝西知縣累遷河南按察使四十七年九月授山東布政使十二月擢巡撫疏陳海防三事一戰船更番修葺以重巡防一水手召募熟諳者以資駕駛一沿海村莊團練鄉勇互相策應又請增山東鄉試中額部議於舊額六十名外增十二名官至雲貴總督

上同

李樹德漢軍正黃旗人三省總督蔭祖之孫巡撫鈞子康熙五十五年由登州鎮擢山東巡撫仁惠愷悌行所無事禁革一切雜派世稱其忠貞三代萃於一門民有清官還生清官子之謠亦可想其為人矣祀名宦

上同

陳世倌字秉之浙江海甯人康熙四十二年進士授編修五十七年充山東副考官雍正二年由內閣學士授山東巡撫曾境內多蝗密訪各屬被蝗損稼重輕且察羣吏能否得其大畧而後視事尋疏言社會通有無濟豐歉古今可行請令每鄉立印簿捐者自注籍數不拘多寡舉公正鄉約三人輪管出入冊報官查春夏之交許民間借領至秋每石收息二斗歉則減之十年後息倍於本祇收一斗第小民可與樂成難與慮始請令各督撫於一省中先行數州縣俟有成效然後推廣又言通省丁銀請攤入地畝徵收部議從之內邊兵部尚書授文淵閣大學士乾隆九年給假回籍疏言山東劇盜田豬首等就獲因各省刑案關訊待質此等大盜但數案審實即應正法毋久稽

上睦其言卒諡文勤

正事略 國朝先

岳濬字厚川四川成都人威信公大將軍諡襄勤鍾琪長子由廕生授西安同知雍正五年擢山東布政使六年授巡撫疏請增設兗州督捕同知又請設分巡兗沂道又言德州衛河回溜頂衝處所每雨水驟發直潰東隄請於城北哨馬營浚新河建滾水壩兩岸各築遙隄酌開兩洞宣洩又言堯陵實在濮州東南六十里古雷澤之東穀林莊明代設建於東平應改建以爲祭祀行禮之所其東平陵仍令有司時祭部議俱如所請乾隆元年

命勘鄒城蘭山等處水衝地一千三百六十頃應徵地丁麥米得旨全行豁免又請於德州養魚池增設水師守備又請以兗州鹽捕通判移駐蘭山縣之向城舊有向城巡檢移駐靑龍寺均下部

議行營重修山東志三十六卷迄今稱岳通志云

濟南志

法敏字肇功姓伊拉哩氏滿洲鑲藍旗人由考授內閣中書累遷刑部侍郎乾隆元年授山東巡撫請將德州臨淄高唐鄒城沙嶺地畝除科甯陽臨清沙疇地畝減等起科又言德州等六州縣衛黃運二河隄壓柳占地畝及東平陽穀等六州縣所隄壓地畝礙難耕種請豁免舊徵銀米又言青州添設駐防官兵二千餘名應支粟米酌給一半其餘折給銀兩又言河撫兩標賞兵生息銀兩數用有餘請各撥出銀三千兩添給兌登二鎮又言商河縣官莊鹹鹵下地應徵銀米併請豁免又濟南等府屬應徵各項稅銀其糧餉箕帚等細小物件請免徵收均從之

上同

頤巴一作色滿洲正黃旗人姓烏雅氏乾隆元年由四川巡撫調撫山東八年調河南疏言專行社倉之法十三年東撫方觀承疏請北五省勸諭義倉

命頤巴議因言社倉外更立義倉分捐穀石仍止此數若儘捐義倉則社倉虛設且社倉散於春斂於秋緩急可貸民多樂從義倉止以備賑取甲散乙小民心存爾我不能奉行轉滋勸捐仍行社倉便得

旨如議官至湖廣總督

上同

朱定元字象乾貴州黃平州人康熙五十二年舉人江南知縣累遷河南布政使乾隆四年擢山東巡撫疏言爲治之道不外教養兩端臣謹遵

諭旨隨時隨事切實訓誨飭府州縣於所轄境內廣行教化有一

事近於孝弟者從而嘉獎之不論紳農士庶據實詳報大則給扁褒獎小則語言鼓勵事有近於不孝不弟者從而警覺之先加化導繼嚴飭禁大則以律問擬小則笞杖示戒

上嘉其所奏是王道無近功須行之以實而要之以久則得矣同上

晏斯盛江西新喻人康熙六十年進士由翰林改御史累遷安徽布政使乾隆七年擢山東巡撫疏言兗州府屬被水災民今雖得賑僅資目前須先期採買麥種俟播種時借給至兗沂等屬本境既有被水災黎而時屆隆冬江省饑民復紛紛來集不惟一邑倉糧有限且恐滋事應將被水最重之魚臺滕縣各留養二百名以次之金鄉濟甯嶧縣各留養三百名其餘州縣俱留養五百名如留養已足卽給以口糧移送鄰邑若鄰邑數盈再送未盈之鄰邑俟春融資遣回籍

上嘉之邊戶部侍郎調湖北巡撫

國朝書類微

喀爾吉善姓伊爾根覺羅氏滿洲正黃旗人襲騎都尉由上駟院員外累遷山西巡撫乾隆八年調山東疏言濟武東三府屬遇旱濟東有漕運又有府倉及臨德二倉存穀緩急可通惟武定無倉請於登萊二府倉撥運接濟九年又言東省兵米例係按季本折兼支春季米價昂貴兵支折色秋收米價平減轉支本色請以春秋二季本折更換又德州海豐惠民樂陵各州縣應修城工以代賑及時舉行又濟武二屬麥秋復被旱災雖賑借糶三者兼行而繼此亦宜廣籌請飭各州縣於豐收之曹沂等府採買接濟並於豫省沿河州縣麥收豐稔處所採買積儲均得

旨嘉允先是有人請試開臨淄卽墨等州縣山場銀銅鉛鐵各礦事下東撫勘議因言東省開採多未便且濟武災區沂曹盜藪恐生事端應照舊封禁

上聽其言官至閩浙總督諡莊恪同上

方觀承字遐穀號問亭安徽桐城人雍正十一年以布衣召用

賜中書銜隨定邊大將軍平郡王福彭赴北路軍營回京補中書舉鴻詞科累遷直隸布政使乾隆十一年署山東巡撫疏陳稽察漕弊嚴緝盜匪二事

論曰足見留心地方實力行之可也

國朝先正事略

又言安山湖地撥

民認墾升科一案查安山南旺二湖同爲運河洩水之地南旺現准報墾徵租安山請一例辦理並照直隸淀泊河灘地畝分季徵收之法其專種夏麥者於麥後徵收兼種秋禾者分麥禾兩季徵收則租額無減於升科而除去升科名色官地民種應徵應免可以隨宜辦理又言委積相調義倉稱便與社倉勢踴但社倉例惟借種義倉則借與賑兼行而取重尤在猝然之賑大要設倉宜在鄉不宜在城積穀宜在民不宜在官秋穫告豐勸導輸納年底將捐過數數奏明不必開具管收除在則其數仍不在官法可行久均報

間十四年擢直隸總督二十一年

命同山東巡撫鶴年籌勘南運河宣洩事宜二十七年同大學士劉統勳山東巡撫阿爾泰會勘山東四女寺哨馬營兩處減水引

河應加疏通並請將兩岸堤工歸德州恩縣分管其兩壩支河入海縣長請將德州州判移駐邊臨鎮專司河捕均得

旨允行卒諡端敏

濟南志

準泰字健齋姓他塔喇氏正黃旗人乾隆二年任巡鹽御史疏請一半丁銀全攤地畝應戶得免追呼樂業安居永無逋戶累擢安徽巡撫調廣東山西十二年調山東十六年

上南巡自德州至紅花埠凡十三營修扞督治或謂拘虎豹備彈弦站驪爲供奉者曰

皇上爲觀河省稼巡狩

聖書如日爲大臣者耳目未愼其可違

詔以非道悅耶除方物外無所貢泰山 孔林外不置供頓清

蹕除道而已

國朝者類徵

鄂容安滿洲鑲藍旗人雍正十一年進士由編修累遷河南巡撫乾隆十六年調山東時濟南府屬夏秋被水糧價增昂而沿海之登萊青三府地僻山險轉運尤難請暫弛海禁招商前往奉天糴運以資接濟又與河臣顧琮等合疏言張秋挂劍臺漫口堵塞西坡來水須使有所歸宿請於壽東汎五空橋北築攔河壩一道長二十餘丈並於橋南挑引河使水由鹽河歸海又言運河全隄自臺兒莊至德州千餘里素稱卑薄每年伏秋兩汎風雨浸漬又漕船往來下概拖掣日漸殘塌應及時估修又言太行隄在黃河北岸大隄之北兩隄相去數十里中有河一道本以宣洩頻隄以內坡水入微山湖因年久淤塞隄內田廬淹沒雍正年間於太行隄

建涵洞使隄南之水經定陶涉城武單縣魚臺等邑入昭陽湖嗣因涵洞旁衝缺口定陶等邑俱受水患是涵洞必應堵塞庶太行隄仍舊完固至兩隄夾束中間之水亦應開通舊河使免漫溢均報

聞十九年授西路參贊大臣行至烏隆吉同班第被陷力戰自盡特建雙忠祠諡剛烈

濟南志

白鍾山字毓秀漢軍正藍旗人由戶部筆帖式江南裏河同知累擢蘇州布政使授南河副總河遷河東河道總督於河道情形工程利弊熟悉周知乾隆二十年署山東巡撫疏言曲阜縣知縣請改爲在外遴員調補不必拘用孔氏族人下部議准令現任曲阜令孔傳松赴部以外省知縣另補

諭著加恩授爲世襲六品官仍令揀選充補旋調南河總督卒諡

莊恪

上同

鶴年滿洲鑲藍旗人姓伊爾根氏乾隆元年進士由檢討累遷廣東巡撫二十一年調山東巡撫疏言濟甯魚臺金鄉滕嶧五州縣積潦成災請賑卹二十二年正月

高宗純皇帝南巡過山東鶴年迎

駕

御製詩賜之因言海豐縣地處海濱東北鄉黎敬五莊低窪易淤積欠較多請將乾隆十一年至二十年舊欠

恩予豁免其地畝糧稅並照下則徵收

詔如所請是年七月又言漳河暴漲驟注衛河館陶冠縣猝被水

災無從宣洩致濟甯金鄉等處既涸復淹

諭往勘疏銷賑恤旋遷兩廣總督疏稱東省水患頻仍臣奉

命勘辦與奏曰修會議濬伊家河以洩微山湖之水其河自韓莊

迤西舊有河形處起至江南之梁旺城入運計程七十里需銀十

三四萬一切須臣經理又尚有與河臣張師載勘濬運河並築堤

工程著刻不容已之事懇

恩留臣督辦疏上因有仍回山東以總督辦巡撫事之

命伊家河工竣未幾卒

卹贈如例諡文勤

崔應階字吉升湖北江夏人由廕生順天府通判累遷江蘇按察

使乾隆二十四年授山東布政使二十八年擢巡撫先是前撫臣

晏斯盛疏准東省銷鹽額票分三等令商人按票輸穀因請以所

輸穀分儲常平以裕倉儲又請濬利山橋舊河以洩濟甯魚臺舊

水又言山東武城縣東岸之牛蹄窩祝官屯及西岸之蔡河遇坡

水匯注俱為隄隔不得入運河及汶灌民田請各建石閘設版啟

閉均如所議行又言民壯之設所以巡緝賊匪防護監倉地方官

不知教練以致有名無實近將本省各州縣民壯汰老弱選精壯

並令改習鳥鎗與營伍無二則合東省而計不增糧餉已得精壯

三千餘人疏入得

旨嘉獎又言武定所屬地方濱海水患頻仍一在徒駭河尾閘不

暢一在鉤盤河淤塞不挑因查徒駭河有舊漫口一道徑二十五

里寬或二十餘丈四五十丈每遇徒駭水勢滿槽即由此分流仍

歸正河入海若將此開濬寬深庶上游五百餘里來源歸海得以

迅速又武定為衆水所匯有八方泊者上承諸窪經年不涸每遇

伏秋霖雨上游諸水歸泊下游又多阻滯水勢倒漾田每被淹泊

東北為古鉤盤河經百三十餘里久經湮廢實武定一郡洩水最

要之區若就古河形勢酌量開濬藉以引水入海則上游不致滯

蓄而諸窪之水亦得順流而下報

聞三十二年調福建巡撫旋擢總督官至刑部尚書上同

富明安姓富察氏滿洲鑲紅旗人由筆帖式選戶部主事累遷山

西布政使乾隆三十三年授山東巡撫疏請挑濬高密縣百脈湖

曰膠河之水北入膠萊運河俾夏秋不至漫溢又言小清河由章

邱長白山發源東至新城高苑兩縣界分北條為支脈溝又東至

博興縣分南條為預備河其中條則仍為小清分宜入樂安之淄

河歸海近年諸湖水漲中多淤塞併支脈溝預備河亦俱淤滯以

致良田數千頃常被水害欲弭其患應從樂安始現於樂安之小

清河挑淤培隄並將支脈溝預備河大加挑濬仍飭上游各縣一

體挑通淤淺不特博興之夾河樂安之八溝等處可復膏腴即章

邱鄒平長山新城高苑等縣附近湖泊地畝涸出必多於民生大

有裨益且各縣居民咸知利病切己俱願出力興工無庸費帑

諭曰有利民生之事應為若為之但不可滋弊耳又言濟甯州西

北一帶坐落運河西岸緊靠運隄地處下游水多匯注又以運河

勢高不能放水入運遂致間段停滯惟門正原有溝渠五道現已

逐一疏通俾南流入牛頭山歸昭陽湖又蘭山縣沂河西岸江風

口支河一道原建滾水石壩年久墊陷一百餘丈已飭修整并查
陳河一道在江風口北淤淺應挑者四千八百餘丈其餘墨河及
響水等溝二十餘道均有淺滯現俱挑挖深通足資宣洩

論曰此實勤民之本也官至湖廣總督卒諡恭恪

上同

何燭字謙之浙江山陰人靖州籍以州同效力河工擢運河道累
遷河南布政使乾隆三十六年授山東巡撫老誠練達誠篤恪勤
體國愛民實心經理三十九年加授總督兼兵部尚書值山東逆
匪王倫之亂

命督兵會勦事平回至內黃卒諡恭惠

上同

徐結漢軍正藍旗人乾隆丁卯舉人以知州揀發東河案擢山東
按察使三十六年山工部右侍郎授山東巡撫疏言山東各府所
屬常平倉穀向來春借民欠應於麥秋一收之後分別徵還但民
間現穫者麥應完者穀若令糶麥易穀還倉難免展轉虧折或因
此輸納不前應請乘茲麥秋豐稔即令民戶將應完穀石交麥六
斗抵穀一石還倉如有情願還穀者仍聽其便庶農民易於完納
倉儲日漸充盈惟麥性不耐久儲而明春出借仍可徵穀還倉一
轉移間民無糶糶之煩倉有實存之數洵屬公私交益疏入報

上同

楊景素字樸園江南甘泉人由直隸蠡縣令擢道府累遷布政使
乾隆三十九年山東逆匪王倫之亂陷陽穀詩張堂邑犯臨清據
開口奪糧船為橋勢欲西竄時景素駐景州督糧餉遣幹將扼臨
清西岸縱火焚橋又殲賊於三岔河並燬其渡船自是河西無賊

蹤會大學士舒赫德大軍進圍臨清舊城景素令軍士盡取河中
船移泊西岸列兵河上防賊逸遂平露布上

間十月授山東巡撫

上同

首以稽查保甲為要務并請揀京師健

銳火器營游擊都司等員發山東專司教演又疏言汶上縣境之

宋家窪舊有引渠一道南入趙王河達南陽昭陽二湖因年久淤

墊窪水停留民田被淹今議自牛鼻潭起至嘉祥縣鄭家橋止將

渠身挑浚河底挖深三尺又黃姑崗金門狹窄應挑月河一道使

分流開外再挑支河二道各長二百五十丈使窪低之水盡引入

渠其引渠入河處恐河水旺渠水弱應於白蓮花寺開支河一道

俾渠水直達鄭家橋歸湖下部議行官至直隸總督

濟南志

明興滿洲鑲黃旗人姓富察氏由筆帖式授保定府理事同知累

擢直隸布政使乾隆四十七年授山東巡撫御史錢澧奏查山東

虧缺

上以明興係新任巡撫無所瞻顧

諭將章邱東平益都與歷城一律親往盤查至通省州縣著明興

詳查妥辦子限彌補疏稱通省虧缺約二百餘萬照虧缺多寡員

缺大小核定期限統於一二年全數彌補等奏通省依限完全又

以曹寬濟甯各州縣衛連值大雨湖河漲溢地畝被淹遊

旨查勘疏請展賑五十二年授刑部侍郎旋

命詣山東督濬河道疏言會勘濟甯楊家橋及汶源各泉一律疏

上同

濬工竣授山西巡撫

覺羅長麟號牧菴滿洲正藍旗人乾隆四十年進士由刑部主事

遷郎中累遷江蘇布政使五十二年授山東巡撫疏言東省河道請責成州縣疏濬倘有淤墊照河工隄岸不先修築例議處又請修新城等四十一州縣城工俱如所請行官至刑部尙書協辦大學士諡文敏

同上

福甯滿洲鑲藍旗人姓伊爾根覺羅氏繙譯生員由光祿寺署正崇擢甘肅布政使湖北巡撫乾隆五十八年調撫山東越歲

命籌辦衛河運務疏稱臨清以北水淺不敷行運若於官備撥船之外添雇民船又恐河水長落靡常請先籌撈淺束壩其汶河之水稍遲啓放以待江廣重運是年秋漳衛二河並漲館陶冠縣邱縣一帶被水成災率運河道啟放閘座疏洩積水撫恤災黎

上以辦理得宜優敘之時江南豐碭兩岸壩埝三十餘道有礙曹單漫水去路會同江督蘇凌阿河督蘭第錫疏稱酌定南北兩岸各壩去留俾豫東水勢得以暢流下注而下游黃河亦不致溜緩停淤疏入

諭所奏甚爲明晰即照此辦理官至湖廣總督

同上

學沅號秋帆江蘇太倉人乾隆庚辰進士

廷對第一授修撰遷左庶子授甘肅鞏秦階道累擢湖廣總督乾隆五十九年改任山東巡撫時臨清館陶諸州縣被水遊

旨加兩倍賑恤豁免秋糧及本年漕米遣官分赴豐收處購運糧米備來歲平糶六十年

恩詔普免各省民欠查出東省節年所欠正耗銀四百八十七萬兩有奇常平社倉米穀五十萬石有奇命奏除之時已得再任湖

督之

命拜疏而後行惟恐弗及也

正事略先

玉德號達齊滿洲正紅旗人姓瓜爾佳氏考授內閣中書累遷湖南岳常禮道歷山東濟東泰武臨道擢按察使遷安徽布政乾隆

六十年授山東巡撫疏言會商江督蘇凌阿擒捕洋盜儻有賊船北竄追至鄰境以兩礮爲號鄰省兵船即放兩礮接應又言東省

水師額設戰船十二隻未能如商船之便捷因與鎮臣奏明添雇商船巡緝第思雇船多費不若將應修營船改造商船式樣俾資

駕馭而收實效下部議行官至閩浙總督

伊江阿滿洲正白旗人姓拜都氏由理藩院筆帖式累遷刑部侍郎嘉慶元年授山東巡撫疏言豐汎漫水淹及濟甯魚臺村莊撫

恤完竣籌辦窪地積水糧艘通行無阻並協濟江南料物全數運工俱照時價購辦並不絲毫派累民間得

旨嘉勉

同上

陳大文號簡亭河南杞縣人浙江會稽籍乾隆二十七年進士以主事分吏部擢郎中累遷江甯布政使嘉慶四年由廣東巡撫調撫山東疏言曹單等處積水未消量給展賑城郭久淹興工疏築

被水州縣懇請緩征工程水利秋後興修凡四事均如所請又以濱海居民向立門牌日久視爲具文應再申明定例切實稽查期

於有犯必懲毋使有名無實又以東省漕幫旗丁陋規積弊開單

請

旨查禁官至工部尙書兩江總督

同上

山東通志

卷七十四

職官志第四

國朝宦蹟一

鐵保號梅舍滿洲正黃旗人姓棟鄂氏乾隆三十七年進士以主事分吏部累擢禮部左侍郎授漕運總督調廣東巡撫嘉慶八年調山東巡撫訓練營伍督貼兵丁請立昭忠祠捐修鄒縣孟廟創建濟南書院勸諭回民安分守法清查倉庫設法彌補撫東二年值衡家樓漫口下游穿運駐張秋者十閱月堵築漫口一百十八丈在省不過年餘而各屬彌補庫項收實銀五十三萬兩採買倉穀六十萬石被水十九州縣督辦賑務無流離轉徙者獲沂州民田五虎冠縣戴老紅靈役李淑祥俱置之法以除民害十年擢兩江總督官至吏部尚書上同

同興滿洲鑲黃旗人姓鈕祜祿氏由堂主事遷直隸霸昌道累擢雲南巡撫嘉慶十六年調山東巡撫十七年以東平州境內小清河爲分洩汶河盛漲之所安流龍拱二河疏濬州境積水民便河匯注泉源達汶濟運均係民田運道攸關日久淤塞奏請疏濬

允之十八年九月河南教匪李文成作亂陷滑縣賊黨之在山東者遙起應之定陶曹縣俱不守同興率鹽運使劉清詣曹州督勦遂由曹州進取定陶韓家大廟卮家集曹縣劉家岡郝家集榮家菜園李家樓宗家樓等處山東賊平上同

陳預字立凡順天宛平人乾隆五十五年進士刑部郎中授山東兗沂曹道累擢福建巡撫嘉慶十九年調山東巡撫疏言青州駐防滿營兵丁生齒日繁請於閑散莊丁內擇其材堪造就者二百四十名作爲餘兵酌提司庫銀二萬四千兩並滿營所存馬價銀四千兩發商生息以資養贍又請添設曹州鎮及鎮標右營撥鉅

野臨清東昌壽張梁山高唐德州七營隸之下部議行上同

和舜武字虞亭滿洲鑲藍旗人由兵部郎中歷江甯廣東監司河

南廣東按察使遷山東布政使初東省州縣按餉繁簡歲出廉銀自數百至二三千不等解司收納名曰節省久遂爲例州縣因而

負累者多議裁未果擢山西巡撫去嘉慶二十三年由河南調撫

山東因以前事疏請裁革先是通省州縣虧項數至百萬及事覺

悉逮輿既知其狀遂以每年所輸節省銀按數多寡抵其半餘令

緩補並請開復及議行同時出獄者凡五十餘人時驛路多劫敗

商旅畏苦之嚴飭官吏講求緝捕道路肅清居民安堵在任年餘

卒於官諡恭愍歸櫬出省之日吏民號誨相送至路不容車云上同

程含章先世改姓羅雲南景東廳人乾隆五十七年舉人大挑一

等由廣東知縣累遷廣州府歷山東兗沂曹濟道按察使河南布

政使廣東巡撫道光二年調山東巡撫以齊河禹城高唐等州縣

被水歉收奏請減價出糶倉穀又以二里壩石隄年久失修請以

司庫節省項下修理均下部議行旋調撫江西督倉場七年復由

浙撫調東撫左遷福建布政使國朝著 欽 類 徵

程國仁字鶴樵河南商城人嘉慶四年進士由編修改御史授山

東按察使年餘謝定積贖六十餘起而越訴之風稍沮累遷浙江

巡撫二十四年調山東巡撫疏陳整飭山東事宜一嚴交代以當

盤查一崇教化以清邪惡一搜查積窩以治盜藪一嚴擊訟棍以

杜訟根一先立治源以回風氣疏入

上嘉之廣南 志

楊健字剛亭湖南清泉人嘉慶丙辰進士由部曹御史官廣東道
府授濟東道道光二年擢布政使護巡撫明年調甘肅所在有勳
績官濟東道時親駐臨清河干督護漕艘終健任糧艘無逗留者
以東藩護撫篆籌修衙河隄互三百餘里官至湖北巡撫

國朝類

鍾祥漢軍鑲黃旗人姓楊氏嘉慶十三年進士官浙江知縣累遷
山東濟南府兗沂曹濟道按察使布政使調雲南江西道光十二
年授山東巡撫請於省城添建義倉以補常平不足略言東省常
平倉穀動缺已多買補必俟豐年一時亦難如願見在倡率捐廉
於省城添蓋倉房分爲四廠自道光十四年始巡撫與司道知府
按年捐輸以二百石爲率州縣之力能捐者祇令百石至二百石
而止歲可得穀一萬數千石近省城者俱交本色稍遠者按每石
一兩三錢折交司庫遇歲歉價昂均卽折交俟價平時由司購買
備賑再於充曹酌量建倉捐儲備常平而濟民食得

旨嘉勉官至閩浙總督改東河總督

上同

賀長齡字耦庚湖南善化人原籍浙江嘉慶十三年進士由編修
官道府累遷山東布政使道光七年署巡撫以山東屬地平衍水
鮮歸宿諭居民隨地爲溝洫以資灌溉溝旁種樹枝葉茂密由是
收穫倍常行旅亦便臨清州揭獲逆帖一紙內稱馬進忠餘黨刻
期舉事附近州縣株連凡數百人尋察爲州人徐慶隆所爲乃誅
慶隆旁無株累官至雲貴總督

上同

張體中陝西潼關人嘉慶二十二年進士由刑曹累擢雲南巡撫

道光二十四年授山東巡撫疏言山東吏治因循兵情怯懦以致
盜匪肆無忌憚實由上司之姑息勸懲無方儲營之懈弛操防不
力竊謂欲清盜源自察吏始欲遏寇孽自練兵始官方既肅自有
以服愚賤之心紀律既嚴自有以戢宵小之氣而察吏練兵之責
在臣與總司道府惟有悉心訪查將該鎮司道府兼公考察據實
奏陳二十八年奏督率文武先後獲盜幅各匪七百餘名提省究
辦治如律又言東省地廣民稠風強俗悍貧民饑有蓋藏一遇歉
歲曹屬之捻匪沂屬之披匪幅匪武屬之梟匪隨地裹脅蔓延不
已而克濟受害尤甚請將爲匪銷賊接濟盜糧之奸民一體查緝
懲創以清盜源疏上皆報

聞尋以積勞卒於任

贈卹如例

上同

李德字吉人號鳳山陝西華陰人道光壬午進士由卽用知縣累
擢順天府尹咸豐二年授山東巡撫三年粵匪大股北竄還

旨視師出省時賊已深入豫張遂簡將弁馳援懷慶有不分畛域
甚合機宜之

諭繼以病殆不能治軍拜疏回東是年八月卒於位

贈總督加太子少保銜諡恭毅

山東軍
興紀略

閻敬銘字丹初陝西朝邑人道光二十五年進士由庶常官農部
咸豐間胡林翼疏請調營充儲備剛明爲人所憚同治二年設禮
里門以山東羣寇方熾

特旨署東撫至日墨經臨戎會親王僧格林沁大軍復淄川城平

白蓮池肅清東昌教匪未幾而棍棍諸匪以次剷平擒寇亦漸戢因議散團以銷積患減漕以惠民因淘汰綠營改練馬隊並請多募北方將士疏上

朝廷深褒納之東省吏治因循已久乃嚴交代二參之限從此欸項瑩徹他省多取以爲則屬吏有狃於積習者糾劾之不少假尤以清庶獄勤緝捕課殿最揚清激濁一時肅然在東四年引疾去息影中條山中再起爲戶部尙書官至大學士諡文介東人感其遺愛請於省城建祠

志

丁寶楨號穉璜貴州平遠州人咸豐三年進士改庶吉士以本籍團練敘績授編修簡湖南岳州府調長沙府同治二年擢山東按察使督布政使躋巡撫始至東用兵者數年善撫將士能推有功賊往來剽忽議者主圍賊合剿之策其後諸軍會集而悍酋如任柱賴汝洸張總愚皆殲於山東中原肅清黃流汜溢一決於侯家林再決於石莊戶河勢日趨東南京外集議莫能定獨毅然堵築之全溜遂專注大清河入海光緒二年授四川總督撫東十年督川亦十年先是東饑疲累引岸多懸議令商力之不逮者官爲代運故泚川獨以整飭川岸爲亟猶在東治南北運意也卒諡文誠歸葬濟南以疇曩之創設尙志書院也因於其中立祠祀之上同

陳士杰字雋承湖南桂陽州人道光己酉科拔貢

朝考第一以七品小京官用分戶部時曾國藩充閱卷大臣故受知最早咸豐二年以憂歸值粵氛熾土匪竄起桂陽爲楚粵衝衝姑結團以自固會國藩奉

命治本籍團遂佐軍諸大破賊別募精銳爲廣武軍所向多捷累擢江蘇按察使未幾乞養開缺同治十二年冬授山東按察使既蒞事清積贖有齊匪案論死者衆乃前司某之羅織成獄者廉其誣釋之因釐定清訟章程以識功過而牧令庶知卹民慎訟矣丙子夏山東饑首捐鉅款於是通省郡縣各捐廉助賑且以緩徵免漕請遂不爲災已而邊閭藩擢浙撫山東自賈莊堵築全溜徑大清河入海河患始亟辜臣交章論河遂有調撫山東之

命癸未二月蒞東疏請修築歷城至利津南岸隄三百餘里東阿至利津北岸隄四百餘里民捻一千五百餘里所堵決口以十四戶李家岸趙莊濱溝爲尤險每於風雨霜雪中親臨督工迄於成迺已設賑撫局廣仁局於省會老嫗婦孺均蒙其惠又疏浚小清河昂津河及陶城埠運河次第蒞工而海防有事往復於登萊間者六閱月數引疾未得請越歲被

狀行

召還都旋假歸卒於里第至今東人士感誦不已

張曜號朗齋順天大興人原籍浙江上虞縣咸豐初在河南帶勇剿賊歷權固始令光州牧嬰城固守賊解圍去累擢河南布政使同治元年

諭以總兵改補七年率所部嵩武軍來東會剿張總愚股捻臨邑濟陽之役殲斃悍賊萬餘賊勢遂不復鳴張俾克盪平厥功尤偉嗣因關隴肅清西疆底定由廣東陸路提督授廣西巡撫加尙書銜光緒十一年

命赴山東查勘黃河十二年調山東巡撫時黃河南岸隄埝甫成